

De Regno Christi D. in terris consumata.

Auctore incomparabili Viro P. Antonio Vieyra.

Auctoris, et Operis intentum.

Operis Auctor est incomparabilis P. Antonius Vieyra, Vir heroicâ illimitatâ mentis comprehensione humani intellectus metas longè transcendens. Nam præter hoc, quod admirandi ingenij sui acumine singula quæque anatomizet; quod non visas hactenus lucas ubique distemnet; quod sit in omni minori, et majori facultate versatissimus; quod tenacissimè adeo memoria, ut quidquid in S. Patribus, in Theologis, in Historicis sacris, et profanis, in Græcis, et Latinis Interpretibus, et in quocunque Scriptore, naturalia, politica, aut moralia tractante, vel semel duntaxat legit, semper præ oculis, mente, et manibus habeat; quod in persuadendo efficacissimus; quod in textuum allegatione selectissimus; quod florentissimus in elocutione; quod res rebus, non inani amplificat verboritate. Præter has, inquam, et alias supremæ mentis excel-sas dotes, quarum qualibet satis fuit formare Heroem omni humano plausu superiorem. Quod ego in hoc Viro nunquam satis miratus sum, est perennis illa ingeniositatem, et novarum reflexio-num affluentia; necnon anatomica sacrorum Textuum concisio, quâ verba omnia, et tempora; Historiam omnem, et Figuram; Prophetiam omnem, et Symbolum; vocem omnem, apicem, et comam, ita eviscerat, et exenterat, ut, quod ceteri primæ magnitudinis viri, tanquam exsuccum, et aridum, despexerunt; vel ut obscuritatis tenebris involutum non intellexerunt, à P. Vieyra Mysterijs undequaque factum ostendatur; patetque nova semper opinari, et quasi non inclusa in sacra Pagina; cum tamen non nisi vetera in ipso sacro Textu latentia, ab alijs vel neglecta, vel non intellecta, opinetur. Hoc verò mirabili adeo Prophetarum, et Prophetiarum consonantiâ præstat, ut, dum auditur, et legitur, necesse sit præ stupore obmutescere. Inde est, quod incomparabilis Auctor, sicut infra omnes Interpretes locandus foret, si nova edifieret in sacro Textu non contenta; ita supra ceteros evellendus, quod quæ in Scripturæ thesauro latentia erant, Lyncea suâ mente effoderit, et publicæ lucis fecerit. Aurum, et gemmas, quas eduxit, nova non sunt, sed sacro Textui coeva; effatio est nova, quia mentis acumen novum.

Ponderans igitur stupendus Vir, ut de se testatur in Tractatu De Pace Messicæ Quinquagesimo Tertio, per pertinacem triginta annorum studium. En ejus verba: Sic ego trigesimo ab hinc anno, cogitate capi, post longam Scripturarum perscrutationem, cesse magno, et pertinaci studio veritatis indagandæ etc. Ponderans, inquam, stupendus Auctor, pertinaci triginta annorum studio quidquid Propheta, sive verbis, sive symbolis, sive figuris, de Christi D. Regno prophetaverunt; et advertens plures Prophetias completas, plures non completas; plures ab Interpretibus literaliter expositas; plures ob sui obscuritatem, aut omisas, aut non nisi moraliter, et mysticè interpretatas; nempe de Ecclesiâ triumphante; in hoc totus incubuit, eas omnes literaliter exponere, easque consummando Christi D. in terris Regno, seu militanti Ecclesiæ applicare.

Hâc de causâ Auctor mirabili suo Operi præfixit Titulum: De Regno Christi in terris consumato; qui coincidit cum hoc, Clavis Prophetarum, ut ab alijs vocatur: quatenus plura in Prophetijs adhuc occulta, et nondum completa, ingenij sui luce literaliter exponendo detegit, et ingeniosis ad suporem rationibus in sacra Pagina fundatis ostendit: quod Prophetiæ nondum completæ sint in Militanti Ecclesiâ, quæ est Christi D. in terris Regnum, ante ejusdem Christi D. ut Judicis, adventum, seu ante finem mundi, complendæ. Decet enim, ut Christi D. in terris Regnum sit ante ejusdem, ut Judicis, adventum undequaque consumatum, seu perfectum. Hoc ut consequatur, nixus Prophetijs nondum completis, eadem literaliter exponens, pronosticat plurima, quæ in Militante Ecclesiâ eventura sunt; et tale Christo D. Regnum in terris format, quale Christo D. venuto, non ut Redemptori, sed ut Judici, convenire potest.

Aequum non est, præterire verba à me Auctore allegata; nempe se indefesso viginti annorum spatio hunc Operi texendo incubuisse. Porro si Auctor (Testes oculares appello) in qualibet